



Ang Banagbanag

Ang Mantalaan sa Presensya ni Kristo

The Dawn in the Cebuano dialect

Ang Pagtoo May Tugbang Nga Katubayan

***Yabeng Bersikulo: “Sa
walay pag-ukon-ukon,
pangusgan ta pagkupot
ang paglaum sa atong
tinooan, kay
kasaligan siya nga
misaad kanato.”
—Hebreohanon 10:23***

***Piniling Sulat:
Hebreohanon 10:19-31***

**SA ATONG PAG-USWAG SA
PAGTOON** nato kang Kristo ug sa atong pagpalandong sa mga kaagi sa kinabuhi, diha sa kasakit ug kalipay mamahimong mas malig-on pa diha sa Ginoo ug maninguha nga mualagadug magasimba kaniya sa espiritu ug kamatooran. (Juan 4:23) Sa atong pagtoon, tataw nga si Pablo nabaskog sa mensahe sa pulong sa Diyos, nga mao ang naghatag kaniya ug kalinaw, ug ang basihan sa iyang relasyon sa Langitnong Amahan pinaagi kag Kristo. Aduna kitay parehong pabor sa

Diyos, parehong mga saad sa Diyos, parehong madasigon nga paglaum nga diha kang Kristo ug iyag mga tinun-an. Ang ilawom nga pagkatawo ni Paul adunay kaseguroan sa Diyos nga ang tanang himaya sa umalabot naangay diha sa mga pagsulay karon, nga matinuad-anong giantos. “Kay kita nahimong mga mag-aambit kang Cristo, kon ang atong unang pagsalig padayonan ta sa pagkupot nga malig-on hangtud sa katapusan.”—Heb. 3:14

Ang atong mga tinguha mao ang padayon pag-alagad sa Diyos sa tibook natong kasingkasing. “Itugyan ngadto kaniya ang inyong tanang kabalaka, kay siya may kahangawa man alang kaninyo. Magmalinawon kamo sa hunahuna, managtukaw kamo. Ang inyong kaaway nga mao ang yawa nagalibotlibut sama sa leon nga nagangulob nga nangitag iyang matukob. Kaniya kinahanglan managpanukol kamo nga malig-on sa inyong pagtoo, sa nahibaloan ninyo nga ang samang mga pag-antus kinahanglan gayud masinati ninyong tanan nga masigkaigsoon nga ania

sa kalibutan. Ug tapus kamo makaantus sa makadiyot, ang Dios sa tanang grasya, nga nagtawag kaninyo ngadto sa iyang dayong himaya diha kang Cristo, mao gayud ang mangunay sa pag-ayo, paglig-on, ug pagbaskug kaninyo.” (I Pedro 5:7-10) Ang tanan nga nagtoon diha kang Kristo magbaton ug pagtamod nga ang mga pagsulay sa pagka karon ug ang mga umalabot pa, mao ang mga pag paila sa langitnong pabor. Sa mao nga rason, ang mga atraksyon niini nga kalibutan dili para niadtong naninguha nga maglakaw sa dalan sa Diyos, u gang tanang tentasyon nga dala niini gikinahanglan nga malikayan.—I Cor. 1:27,28; Lucas 16:13

Daghan ang mga pagsulay para mapakita nato ang atong pag unong diha sa Diyos. Kini siya padayon nga muabot sa tibook natong paglakaw diha kang Kristo. Busa, gikinahanglan nato ang makanunayon nga pag angkon sa himayang kamatooran dili lamang sa mga letra, pulong ug buhat apn diha usab sa espirito, kinaiya ug gawi. Ang importanteng parte sa atong katubayan mao ang pag angkon ug mapaubsanon nga kinaiya nga gipakita diha sa mga pulong ni Pablo, “Mga igsoon, wala ako mag-isip nga kini nahimo ko nang akong kaugalingon; hinoon, usa ka butang akong ginabuhat mao kin: sa ginakalimtan ko ang nanagpangagi na ug sa nagadasdas ako paingon sa anaa sa unahan, ako nagapadayon paingon sa dauganan, ngadto sa ganti nga mao ang sa langitnong pagtawag kanato sa Dios diha kang Kristo Hesus.” (Filipos 3:13,14) Atong itumong ang atong kusog sa mga butang nga magpaduol kanato sa Diyos. Kini naglakip ang pagpaningkamot nga ipabilin sa atong kasingkasing ug hunahuna nga puno sa bahandi nga makita diha sa pulong sa Diyos. “Bisan unsang butang tinuod, bisan unsang butang dungganan, bisan unsang butang matarung, bisan unsang butang ulay, bisan unsang butang hiligugmaon, bisan unsay butang maayong pamation, kon aduna may kahalangdon, kon aduna may pagkadalaygon, palandunga ninyo kining mga butanga.” Kapitulo 4:8

Ang importanteng konsiderasyon sa katubayan dili kumpleto kung dili apilan sa pag-ampo. “Pag-ampo kamo sa tanang panahon pinaagi sa Espiritu sa tanang pag-ampo ug pagpangamuyo. Alang sa maong kalab-uton, kinahanglan magtukaw kamo uban sa bug-os nga pagkamapadayonon, ug pangamuyo kamo alang sa tanang mga balaan.” (Efeso 6:18) Ang anak sa Diyos kanunay nga naga ampo inapilan sa pag

ampo sa panabang ug pag giya, ug pagtan aw inubanan sa determinasyon nga kanunay matinud-anon diha sa Diyos sa tanang butang.

Ang Pagtoo Mao Ang Kaseguroan

Yabeng Bersikulo:
“Karon ang pagtoo
mao ang pasalig
kanato sa mga butang
nga atong ginapaabut,
ug ang panghimatuod
sa pagkaanaa sa mga
butang nga dili nato
makita.”

—Hebreohanon 11:1

Piniling Sulat:
Hebreohanon 11:1-3,6;
Salmo 46:1-3,8-11

TINGALI PWEDE NATONG ipasabot kini nga bersikulo sa Hebreohanon 11:1 niining nga paagi: “ Ang pagtoo mao ang basehan, ug ebidensya sa atong kombiksyon mahitungod sa mga butang nga atong gipaabot ingon man sa mga butang nga dili makita basi sa seguridad nga mga saad sa Diyos.” Ang unod sa pagtoo nag sumikad sa pagdawat nato sa mga bautang gibtyag kanato sa Diyos pinaagi sa iyang pulong. Kini mao ang kumpleto ng pagsalig sa Diyos ug kang Hesukristo nga iyang gipadala. Sa mao nga pagtoo mao ang mag pugos kanato ngadto sa mahigugmaong pagtuman, ingon man mga maayong buhat.(Efeso 2:10; Mateo 5:16; Santiago 2:14-26)

Ang atong kaugalingong pagtoo mao gayud mismo ang basihan sa atong barog atubangan sa Diyos, sa sinugdanan sa atong paglakaw hangtud sa kamatayon. Ang kaugalingon natong pagsalig diha sa Diyos, adlaw adlaw , usa sa mga pamaagi diin makab-ot nato ang kaluwasan. Kini nga pagtoo naka sentro sa atong Ginoong Hesukristo, “Nga gitugyan ngadto sa kamatayon tungod sa atong kalapasan ug gibanhaw alang sa pagpamatarung kanato.”—Roma 4:25

Ang atong paglakaw diha sa pagtoo nagasugod sa dihang uban sa pagsalig ug pagtoo sa Diyos, nakita nato ang iyang kinaiya, ug ang iyang pinalanggang anak, bisan tuod sa limitado nga sukdanan. Sa hinayhinay, nga magakaduol kita sa Diyos, mas makaila kita kaniya, magatubo nga maga tamod sa iyang maanindot nga plano, nga nagatungtong ang atong

mga tiil sa kamatuoran. (Efeso 3:17-19) Kini nga mga sangkap sa pagtoo importante kaayo nga kita gisultihan sa Hebreohanon 11:6, “Kon walay pagtoo dili gayud mahimo ang pagpahimuot kaniya. Kay bisan kinsa nga magaduol sa Dios kinahanglan magatoo sa iyang pagkaanaa ug nga siya magabalus ra sa mga magapangita kaniya.”

Sa pagpasabut sa unahan, ang pagtoo naghatag ug “unod” sa mga butang nga anaa sa mga pulong mga sumusunod sa lakang ni Kristo. Ang pagtoo naghimong posible sa katawhan sa Diyos nga maglihok base sa kombiksyon, tungod kay sila nahibalo nga kini matood ang mga kasulatan. “Ug ang atong nabatonang pagsalig kaniya mao kini: nga kon mangayo kitag bisan unsa sumala sa iyang kabubut-on, siya magapatalinghug gayud kanato.” (I John 5:14) Sa laktod nga pagkasulti, ang pagtoo mao ang nangunang prinsipyo sa kinabuhi sa mga tawong nga naghalad sa ilang kinabuhi sa Diyos.

Para mabantayan nato ang atong pagtoo, ang Diyos naghatag kanato ug madako ug bililhong saad sa iyang Pulong (II Pedro:4) Ang usa sa iyang blilhon nga saad mao kini: “Himoa ang pagkamaunongon kanako bisan pa sa kamatayon, ug hatagan ko ikaw sa purongpurong nga kinabuhi.” (Pinadayag 2:10) Ang usa pa sa maanindot nga saad sa kaluwasan gipakita niining mga pulonga: “Ayaw na kamo pagkahadlok, gamayng panon, kay gikahimut-an sa inyong Amahan ang paghatag kaninyo sa gingharian. (Lucas 12:32) Gidasig kita niining mga pulong: “kon kamo magapadayon gayud sa pagtoo, dili matarug, malig-on, dili mobulag sa paglaum sa Maayong Balita nga inyong gipatalinghugan...gibut-an sa Dios ang pagpaila ngadto kanila sa kadaku gayud sa mga kadagaya sa himaya sa maong tinago alang sa mga Gentil, ang tinago nga si Kristo anaa kaninyo, ang paglaum alang sa himaya.”— Colosas 1:23,27

Ang sakop sa iglesya ni Kristo, ang gamay’ng panon, gipili na sa pagka karon, gililok ug gipasinaw, nga waly madungog nga tingog sa martilyo. (I Hari 6:7) Si Pedro miingon, “Ug ang inyong kaugalingon usab, ingon nga mga buhi nga bato, ipahimo ninyong espirituhanon nga balay, nga mahimong balaan nga pagkasacerdote, alang sa paghalad ug espirituhanong mga halad nga pagakahimut-an sa Dios pinaagi kang HesuKristo.” (I Pedro 2:5) Busakamatuoran sa mga pulong sa Diyos,

manuol kita sa Dios uban ang matinuoron nga kasingkasing, nga sa hingpit pinasaligan sa pagtoo.”—Heb. 10:22

Ang Pagtoo Mao Ang Paglahutay

Yabeng Bersikulo:

*“Busa, sanglit
ginalibutan man kita sa
ingon ka mabagang
panganud sa mga saksi,
iwakli ta ang tanang
kabug-at ug ang sala
nga nagapiit paglikos
kanato, ug dalaganon ta
nga malahutayon ang
lumba nga atong
ginaapilan nga
magatutok kang Jesus
nga mao ang mag-
uugmad ug
maghihingpit sa atong
pagtoo, nga tungod sa
kalipay nga gibutang sa
iyang atubangan
miantus sa krus, sa
walay pagsapayan sa
pagkamakauulaw niini,
ug karon nagalingkod
siya diha sa too sa trono*

sa Dios.”
—Hebreohanon 12:1,2

Piniling Sulat:
Hebreohanon 12:1-11

DIHA SA YABENG MGA BERSIKULO sa atong leksyon, makita nato nga si Apostol Pablo nag awthag kanato nga mobalik tan-aw sa mga kaagi sa dagkong “pangand sa mga saksi” kadtong mga “Karaang

Balaan” nga nabuhi niadtong wala pa mahiabot si Kristo. Angay usab nato ikonsiderar ang ilang mga naagianan ug kon unsa sila ka matitud-anon ug maunongon ngadto sa Diyos. Dako kaayo ang ilang pagsalig sa Diyos nga gitawag usab sila ug mga “bayani sa pagtoo.”—Heb. 11:4-39

Bisan nga kini silang mga takus nga karaan naka angkon ug dako nga pagtoo, kita nasayod nga sila “wala managpakadawat sa gisaad kanila, sanglit gikatagana man sa Dios ang labi pa ka maayong butang alang kanato, nga sila dili niya pagahingpitan gawas kon mahiuban kita.” (Heb. 11:39,40) Pero, angay kita madasig sa ilang mga nahimo aron atong ipadayon ang pagpaningkamot nga makab-ot ang hingpit nga pagtoo sa atong paglakaw sa dalan sa pagka Kristyano.

Kini nga paglahutay kinahanglanon kaayo sa atong pagtoo. Gipahimangnoan kita niini ni Pablo apan iya usab gipaklaro nga ang gikinahanglan nga paglahutay sa anak sa Diyos mao ang “gaan nga pag antus.” “Busa kami wala kawad-i sa kasibut, ug bisan tuod nagakahugo ang among pagkatawo nga makita sa gawas, ang among pagkatawo sa kinasuloran ginabag-o sa adlaw-adlaw. Kay kining magaan ug lumalabay nga kasakit nagaandam alang kanamo sa labihan gayud kadaku ug walay katapusang gibug-aton sa himaya, tungod kay kami nagasud-ong man dili sa mga butang nga makita kondili sa mga butang nga dili makita; kay ang mga butang nga makita lumalabay lamang, apan ang mga butang nga dili makita walay katapusan.”—II Cor. 4:16-18

Ang iglesya mao ang templo sa Diyos, perpekto diha sa langit ug magaan angkon sa mga butang langitnon. Si Hesus nga gihimaya nagsaad, “Siya nga magamadaugon, akong pagahimoon nga haligi diha sa templo sa akong Dios.” (Pinadayag 3:12) Busa, ang kada naglaom nga mahisakop, nga nahimong bag-ong binuhat, kinahanglan adunay Spirito Santo sa Diyos nga nagpuyo sa ilang mga kasingkasing ug hunahuna bisan karon. Maka angkon dayun kita ug kalinaw diha sa Diyos bisan sa atong pag antus ug paglahutay sa mga malisud nga pagsulay sa hagip-ot nga dalan.

Karon atong lantawon ang mahinungdanon nga bersikulo sa atong piniling sulat. “Palandunga ninyo siya nga miantus sa maong pagsupak sa mga makasasala batok kaniya, aron kamo dili managkataka ni managtalaw..” (Heb. 12:3) Ang atong hunahuna mao ang espesyal nga awayanan para kanato tungod sa pagsupak sa unod sa pagsakripisyo, ug ang tendensiya nga kapoyon ug maluya. Kining maluya nga kabubut-on sa unod, sa “daang tawo” mao ang kanunay nga maka away sa kabubut-on sa “bag-ong tawo” ang bag-ong hunahuna. Ang yabe para sa kadaugan sa bag-ong nilalang ibabaw sa daan nga unod makita pinaagi sa pagtoon, pagsabot, ug pagtamod sa dalan sa Diyos. Ang iyang mga ehemplo ug mga gitudlo, ug sa pagsunod sa iyang mga lakang.

Angay nga magsadya kita kay ang atong Ginoong Hesus nag imbitar kanato sa paglakaw diha sa iyang dalan ug sa paglahutay sama kaniya. Niining kopa sa pagsulay, pag-antus ug bisan mga paglutos, giangay usab sa Diyos ang himaya sa umalabot nga paglaum. Busa, masulti nato kini nga mga pulong: “Bulahan kamo sa diha nga panamastamasan kamo sa mga tawo, ug pagalutoson kamo, ug pagabutangbutangan kamo sa tanang matang sa kadautan batok kaninyo tungod kanako. Kinahanglan managmaya ug managkalipay kamo, kay daku ang inyong balus didto sa langit.”—Mateo 5:11,12

Ang Pagtoo Nagadasig Ug Pasalamat

Yabeng Bersikulo:
“Busa
magmapasalamat
kita tungod sa atong
pagpakadawat ug
gingharian nga dili
matarug ug tungod
niana ihalad ta ngadto
sa Dios ang
makapahimuot nga
pagsimba, nga
inubanan sa pagtahud
ug pagkahadlok.”
—Hebreohanon 12:28

Piniling Sulat:
Hebreohanon 12:18-29

KINAHANGLAN **NGA** **KITA**
KANUNAY mapasalamaton sa atong
Langitnong Amahan, kay utang nato
kaniya ang tanan kanato pinaagi sa
iyang bugtong anak nga si Hesus. Ang
tanang butang iya sa Amahan ug sa
Anak. (I Cor. 8:6) Atong
mahinumduman ang mga pulong ni
Pablo, “Wala ba kamo masayud nga
ang inyong lawas templo sa Espiritu
Santo nga nagapuyo sa sulod ninyo, ug
nga kini inyong nabatongan gikan sa
Dios? Kamo dili na inyo sa inyong
kaugalingon, kay gipalit na kamo sa usa
ka bili. Busa himayaa ninyo ang Diyos
diha sa inyong lawas.” (I Cor. 6:19,20)
Ang atong pagsabot niini nagpakita nga
ang atong oras, abilidad, impluwensya,
pamaagi ug ang tanan nga bililhon, iya
sa Diyos, bisan ang aton mismong
kinabuhi.

Ang atong Langitnong Amahan nag atiman kanato ug nahigugma
kanato sa maayo. Ang tanan nga maanindot, putli, lunsay ug matood nga
butang naga gikan sa “Amahan sa Kahayag” (Santiago 1:17), ug gihatag
kanato pinaagi ni Ginoong Hesus. Ang Diyos adunay kalabutan ug
kabalaka bisan sa pinaka gamay nga mga butang sa atong kinabuhi.
Kalipay sa Ginoo nga mulantaw ubos sa balaanong probidensya. Ang
atong pagtoo ug pagsalig sa Diyos maka ingon kanato sa kanunay
magbantay sa mga pribilihiyo sa pagduol nato kaniya pinaagi sa atong

Ginoo ug Magtutudlo para sa iyang tabang ug pagdasig, konsolasyon, giya ug pahulay. “Umari kamo kanako, kamong tanan nga nabudlay ug nabug-atan, ug papahulayon ko kamo.” (Mateo 11:28; Salmo 29:11; 36:5,7) Ang atong pagtoo magdasig gayud ug pagpasalamat sa kasingkasing, ug magasanay diha kanato ang kalinaw ug pagpahulay diha sa Diyos. Tungod kay kita nasayod nga siya lig-on ug kusgan para kanato. Si Jehova magahatag ug kusog sa iyang katawohan: Si Jehova magapanalangin sa iyang katawohan sa pakigdait.”—s. 29:11

Mapasalamaton kitang nakaamgo nga si Hesukristo mao ang atong langitnong higala, ug tighupay. Ang iyang kinaiya nahiuyon diha sa Diyos nga Amahan nga gipasabot ni Apostol Pablo “panganinaw sa himaya sa Dios ug tukma nga hulad sa iyang kinaiya.” (Heb.1:3) Ang giladmon sa atong pagtoo maoy magsugo kanato nga mosunod sa mga ehemplo ni Apostol Pablo sa dihang iyang gideklarar iyang kaugalingon nga naga sunod kang Kristo. (I Cor. 11:1; Eph. 5:1,2) Ang pagsunod sa kinaiya ug disposisyon ni Kristo maoy magdala sa mga nagasunod sa Magtutudlo nga mapahiubsanon, mahugugmaon, ug malunong kasingkasing...sama kang Kristo. Imitating the character traits and disposition of Christ will lead the footstep follower of the Master to be a humble, loving, and tenderhearted person—as he was. “Ipahiubos ninyo ang inyong kaugalingon ilalum sa gamhanang kamot sa Dios, aron kamo iyang igatuboy unya sa gitagal nga panahon. Itugyan ngadto kaniya ang inyong tanang kabalaka, kay siya may kahangawa man alang kaninyo.” (I Pet. 5:6,7) Kada adlaw sa atong paglakaw sa hagip-ot nga dalan, ang atong kinaiya mao kadtong gisulti sa Salmo 116:12-14: “Unsa man ang akong igabayad kang Jehova Tungod sa tanan niyang mga kaayohan kanako? Dawaton ko ang kopa sa kaluwasan, Ug pagasangpiton ko ang ngalan ni Jehova. Magabayad ako sa akong mga panaad kang Jehova, Oo, diha sa atubangan sa tanan niyang katawohan.”

Isip matinud-anon nga mga anak sa Diyos, kanunay kitang mapasalamaton sa atong Amahan sa iyang balaanong pag atiman ug pagdala sa tanang parte sa atong kinabuhi. Angay usab natong masayran pinaagi sa pagtoo nga anaa ubos kaniya ang tanang pag kontrolar ug hingpit ka kahan-ayan sa iyang maanindot nga plano. Kini angay nga makadasig kanato nga maninguha nga makab-ot nato ang atong mga konsagradong mga saad, bisan hangtod sa kamatayon, uban sa kahibalo

nga kon matinud-anon kita madawat nato ang himaya, pagdayeg, ug walay kamatayon. (Roma 2:7). Ang pagsalig kaniya sa hingpit, nga muambit sa iyang grasya, kita tinudanay nga makaingon, “Salamat sa Dios tungod sa iyang gasa nga dili maasoy sa pulong.” (2 Corinto 9:15)

Ang Pagtoo Nanginahanglan Ug Baslanay Nga Gugma

***Yabeng Bersikulo: “Ug
karon magapabilin
kining totulo: ang
pagtoo, ang paglaum,
ug ang gugma, apan
ang labing daku niini
mao ang gugma.”
—I Corinto 13:13***

***Piniling Sulat:
Hebreohanon 13:1-3;
I Corinto 13***

ANG PULONG KALOOPY gipasabot sa niining atong leksyon mao ang gugma. Ang “gugma” mapakita nato sa daghang paagi. Pwedeng kini mao ang pagpakita nato ug kaayo sa katawhan. Pwede usab mapakita pinaagi sa kalooy. Ang atong yabeng bersikulo mao ang maanindot nga kongklusyon sa maanindot nga diskorso nga diin gipasabot ni Apostol Pablo sa kinaiya sa gugma. “Ang gugma mapailubon ug mapuangoron. Ang gugma dili masinahon, dili tigpagawal. Ang gugma dili tigpaburot, dili bastos, dili maakop-akopon, dili masuk-anon o

maligotguton.” (I Cor. 13:4,5) Gipasabot ug dugang pa ni Pablo nga “ang gugma wala magakalipay sa mga buhat nga dili matarung, hinonoa nagakalipay kini sa mga butang nga maminatud-on. Ang gugma mopailub sa tanang mga butang, motoo sa tanang mga butang, molaum sa tanang mga butang, moantus sa tanang mga butang.”—bersos 6-8

Unsa kaimportante ang kalidad sa gugma? Gisultihan kita sa II Corinto 9:7, “Ang Diyos nagahigugma sa malipayong maghahatag.” Kini nagpakita kon unsa ang angay natong disposisyon kada adlaw ug unsa kita kakugi sa “Pagbihag sa tanang panghunahuna aron kini magmasinugtanon kang Kristo.” (II Cor. 10:5) Paningkamotan nato nga ang atong kasingkasing magpabiling napuno sa gugma, aron sa ingon walay lugar nga makahunahuna ug dautan. Ang nagatinguha nga matinud anong anak sa Diyos kinahanglan maka amgo nga ang kasingkasing nga matinud anon sa Langitnong Amahan kinahanglan ug dugang pa nga

panglimbasog. Si Pablo nagsulti kanato nga “magbantay nga magpabilin ang maayong gawi. Kini nga mga butang maayo para sa tawo.” (Titus 3:8) Ang gugma maoy una ug nagapadayon nga buluhaton, kini mao ang suma total ug katapusan sa kaugmaran sa mga bungang balaan. “Kinahanglan kamo magmabalaan, sanglit ako balaan man.” (I Pedro 1:16) Kinahanglan usab nga adunay motibasyon ang atong kasingkasng ug hunahuna nga “Himoon nga ang gugmang minagsoon magapadayon.” (Heb. 13:1) “Tahura ninyo ang tanang tawo. Higugmaa ninyo ang kaigsoonan.” (I Pet. 2:17) Aron mahinangop kanato ang Diyos, atong tinguhaon nga mahiayon kita sa iyang kagustuhan, aron ang atong kasingkasing mamahimong bahandianon sa pagtoo, paglaum ug gugma. Kon ang atong kasingkasing napuno niini, kini ang magdala kanato sa realidad nga maghimo kita subay sa tinguha sa kasingkasing ug magpakita ug gugma, kalooy, ug konsiderasyon ngadto sa tanan. “Busa, sa mabatonan ta ang kahigayonan, buhaton ta ang maayo ngadto sa tanang mga tawo, ilabi na kanila nga mga sakop sa panimalay sa pagtoo.” “Ang usa ka higala mahagugma sa tanang panahon.”—Gal 6:10; Panultihon 17:17

Samtang atong gitun-an sa atong leksyon karon nga bulan ang pagtoo, atong gitapos kini sa kaimportansya sa gugma. Ang atong yabeng bersikulo sa I Corinto 13:13 nagasunod usab sa mao nga kahan ayan nga nagsugod sa pagtoo ug natapos sa gugma. Kini nagpakita kanato nga ang kada aspeto para mamahimong mahinangpon sa Diyos naglambigit ug gugma. Kini nga pagtubo sa mahigugmaong kasingkasing, base sa atong pagtoo sa Diyos, gipakita dinhi sa mga pulong sa atong Ginoo ug Magtutudlong si Hesus: “Ug si Hesus miingon kaniya, Higugmaa ang Ginoo nga imong Diyos sa tibuok mong kasingkasing, ug sa tibuok mong kalag, ug sa tibuok mong salabutan. Mao kana ang daku ug unang sugo. Ug ang ikaduha sulosama ra, nga mao kini, Higugmaa ang imong silingan sama sa imong kaugalingon.” “Ako magahatag kaninyog bag-ong sugo, nga kinahanglan maghigugmaay kamo ang usa sa usa maingon nga ako nahigugma kaninyo, kinahanglan maghigugmaay usab kamo ang usa sa usa. Ang tanang tawo makaila nga kamo nga tinun-an ko pinaagi niini, kon kamo maghigugmaay ang usa sa usa.”—Mateo 22:37-39; Juan 13:34,35